



Održan peti konsultativni sastanak eksperata o državnoj imovini: Razmatranje vodnih resursa

Danas je u Ambasadi Sjedinjenih Američkih Država u Sarajevu održan peti konsultativni sastanak eksperata o državnoj imovini. Na ovom sastanku je radna grupa razgovarala o mogućnostima reguliranja vodnih resursa u okviru sveobuhvatnog rješenja pitanja državne imovine u Bosni i Hercegovini.

Stručnjaci su razgovarali o različitim modalitetima vlasništva i korištenja voda u Bosni i Hercegovini i upoređivali ih sa drugim zemljama, kao i o upravljanju i zaštiti voda.

Radna grupa, koju je formirao OHR uz podršku Upravnog odbora Vijeća za provedbu mira, ima za cilj da ponudi stručna mišljenja i informacije kako bi se olakšao rad Parlamentarne skupštine BiH u rješavanju pitanja državne imovine.

Prihvatljivo i održivo rješenje raspodjele imovine između države i drugih nivoa vlasti prvi je cilj Programa 5+2. To je dugogodišnja obaveza bosanskohercegovačkih vlasti.

Četvrta sesija, na kojoj su stručnjaci razmatrali šumska dobra, održana je krajem maja u Ambasadi Japana.